






Alla ricerca del Picchio Nero!...

Ottimo tè e... pagnotte super!



Campartögn 2013

Cansun dal Carlavé




Cume ca disevu la crisi l'è rivà
e i Raviccioin in belli che plà:
as po mia dighi quaicòs
s'al Bal d'la Cecca in nagghi da sfros!..

An bel mat che na ten alégri a Carlavé
nu fa sempri vüna par fé ghigné
ma dinti la sücca al g'ha mia la sal:
par anvidé la gent al bal,
l'è dagghi n'auta carta c'al gh'eva daré!..
Pasiensa, l'è Carlavé:
que chi gumma da fé?...

Pòuru Pais, pòuru Raviccium
e pòura anca la sua gent...
a gh'è poc da ési cuntent
tra IMU e disocupasiun
in purtanni via sot e alegria
e par feni gni al magun
anc'al prèvi in purtanni via!..
L'è mandallu via quaidun
a chiapé rani an més al ris,
e al fumbri da sti pais
ia cunsola piü nissun.
Quanti lacrimi in nai giü!..
...a Nuara la süchina la gnirà piü!

Al tireva la caretta, tapìn,
pina ad bosc par al camin
ma la rova distacà
dinti l'ava l'è rubatà:
la ligna l'è purtala al bacàn
e la “pesca a la rova” l'è lo sport ad l'an!



Cumpliment a cui matà
se al panchini in varnisài.
Nu gh'è vün ca l'è satassi là
sora la banca bagnà:
al durmiva o... al laureva cun al cü?
(...diségghi da fenu piü!)
Summa anca gnü savéi che, giü par Doch,
al durmiva cun al so amis la noch,
an mes l'erba, par la strà,
antant che i turnevu a péi anver cà.

La cardensa modello “capisci”
t'la trovi mia a l'Ikea...
...la sta fora par la strà:
chi c'la trova la porta a cà!
Al mésdabosc ga smia
ca l'è propiu na maladia:
anca la matta in purtaghi via!
...e dess ch'al ventri l'è runt
g'ha da fé al gir dal munt!

Al Banchelli, st'istà,
in truassi i gill an cà,
pöi in vist ch'i eru matai
che cume Tarzan i eru 'ntrai.
Anveci da déghi al nicioli da manghié
cun an rundon ad culora in curughi dré!

Al pastor d'la Ciümma
l'è pijassi na brütta custümma:
al dorm cun al sol par mia sué
e al chiar d'la lüna al tacca a lauré!
(Custa i sun mia pensala mi
ma sun santila giü par da lì!...)

An pumpié l'è na a Varà
par dé na man giü a l'Apàa;
d'an amis l'è parcheggià
ma davanti al garage sbajà!
Al padrun, tuch ancassà,
par felu piü ndé cà
l'è buttagghi la sua daré.
Strac cume n'asu al pouru pumpié,
par mia suné al campanel
e furni par fe ciadél
L'è fach autostop, che l'éra doi bott!

San Jaccu a caval
l'è quasi santissi mal
al di d'la festa patrunal:
l'è vist giü cui africani
suné tambur e fé di versi strani...
L'è visassi quand c'al bastuneva i mori
e l'è gnughi voja da feji cori...

Poi al Signor l'è daghi an supatun:
“Déh, Jaccu, fa mia al bestiun..!
at g'hai da capì c'as prega anca paré!
A mi ma pias da senti canté
e ma pias anca l'alegria
da custa bella cumpagnia!..
Mi a tüch i duer l'üs,
anca a cui chi tegnu al müs!...”.


Al gnirà mia giü al campanin
se summa batü i men an stissinin,
se tra tuaje, angeli, fior,
culonni ad marmu e candelé d'or,
summa senti n'Alleluia cantà
ant vüna manéra... “disgenà!”

Al Signor e San Jaccu, cari matai,
in fassi pöi doi ghignai!..
Al cuncert l'è piasüghi ai vilegiant
(che, par santí al bis, in mia nai a l'incant!),
e par na vota la tradisiun
l'è faghi post a l'in-ter-na-siu-na-li-sa-siun!..

L'è na ad Alessandria par fé n'esercitasiun
e l'è ciapassi an bel multun:
l'è mia visassi c'al gh'era al marcà
e a mumenti al torna piü a cà!
La fumbra spicchieva cun al bracci ancrusai
“Mi stach tüt al di tra butea e matai,
l'è mèj ch'at fagghi salaim e cudighin
ca rent pussé ch'al Socors Alpin!..”

A la Villa in fach di marche par la strà
che s'al gh'è an furgun parchegià
al Basaléi i pon piü vardé fora da cà.
L'asesor l'è tranquilla e da cor
la ringrassia Pruvincia, Cumün e pitor!

Nu gh'è chi vegnü da fora che i g'han frech
ma al bosch in mia purtallu 'ntal tech
e i van rubelu ai ait fora da cà...
...Ma s'al gh'è fiocca par la stra
as vugu ben i peciani chi van da qui a là!



Al vegghiu Gilardi al varda la piassa
e al pensa : ”ma perché i sun mia nassù a Rassa?..
...tra paniccie, féri, castigne e alpin
ma smia sempri an Carlavé, porcu ciampin!..
A Natal sun vist tanti avéi illuminà...
ma cul ca l'éra biot, chi ca l'è piantallu là?
A gh'éra piü illuminasiun
o in al soliti incomprendiun?..
I sun vist na stria brüsé
...e a piveva gros paré!
La bella banca an preia, an stu cantun
i lu vuggu tüch cui chi passu
l'è cargà ad ciucchi ad frassu!
(antant a fa frech a na cert'ora:
as po mia sattesì lì fora!..)

...e pöi sti moic dal Carlavé
i ma taccu sü anca an salam da misuré,
(ch'al fumbri i vegnu russi davanti an salam paré
ma... i dumandu de chi ca l'è!).

Nu gh'è ancò muciarìi da vughi fé?
Sansa pala adess, at vugarai,
i naràn bufé la fiocca par i strai
e, par furnì, al sindic al savrà piü con chi rusé:
se cun al picach o cun i carabinié!..

Sté sentí an vegghiu malurà
voi chi sèi giouni e darnà:
fermé sempri al rovi par parlé al telefonin
(e par tajé salam o par devi an basin).
Manghé la paniccia e stemmi bén:
Dop la tampesta ven al seren!...”

Chiàpatla mia, perché anca st'an,
i ghignai dal Carlavé i furniran,
e sa tèi an po' rabià
bef ancò an bicer primma da né cà
Dal rest, mi v'lu dich sansa vos,
as va mia an Paradis sansa cros!..

